

## 2021-mi suliffissaaleqineq aamma sulisinnaasut

Kisitsisitigut paasissutissani matumani suliffissaaleqisut aamma sulisinnaasut agguaqatigiissillugu qaammammut ineriartornerat nassuiarneqarput. Sapinngisamik FN-ip ataani The International Labour Organisation-imit (ILO) innersuussutit tunngavigalugit suliarineqarput. Erseqqissaatigineqassaarlut Naatsorsueqqissaartarfiup qaammatikkaartumik saqqummiuttagaani suliffissarsiortutut nalunaarsukkat kisitsisaannit matumani kisitsisit allaanerummata.

2016-imi 2017-imilu suliffeqarneq pillugu kisitsisitigut paasissutissani nalunaarsuutini amigaataasunik naqqisoqareernerani matumani saqqummersitaq nutarsarneqarpoq.

Saqqummersitaq immikkoortunut pingasunut avinneqarpoq, ataatsimut imaluunniit immikkut atuarneqarsinnaasunut. Immikkoortumik siullermi suliffissaaleqineq nassuiarneqarpoq. Immikkoortut aappaanni sulisinnaasut kiisalu immikkoortut pingajuanni kisitsisitigut paasissutissani najoqqutarineqartut naatsorsuinermilu periaatsit nassuiarneqarlutik.

Naatsorsueqqissaartarfiup kisitsisaataasiviani [bank.stat.gl](http://bank.stat.gl) –imi piffissami 2016-imiit 2021-imut suliffissaaleqisut sulisorineqarsinnaasullu paasissutissaat sukumiinerusut nassaarineqarsinnaapput. Immikkoortumi siullermi tullianilu titartakkat takussutissiallu tamarmik Naatsorsueqqissaartarfiup kisitsisaataasivianit kisitsisit atorlugit sananeqarput. Kisitsisaataasivimmit kisitsisinut najoqqutarineqartunut innersuussinerit titartakkat takussutissiallu ataanni takuneqarsinnaapput.

## Saqqummersitami matumani iluarsaassinerit allannguutillu

Suliffeqarnermut kisitsisini iluarsaassinerup kingunerisaanik allannguuteqartoqarpoq. Suliffeqarnermut kisitsisitigut paasissutissanut saqqummersitaq [www.stat.gl](http://www.stat.gl) –imi takuuk.

## Taaguutit nassuiaataat

Suliffeqarneq: Agguaqatigiissillugu qaammammut suliffillit amerlassusaat.

Suliffissaaleqineq: Agguaqatigiissillugu qaammammut suliffissaaleqisut amerlassusaat.

Suliffissaaleqineq pct.-inngorlugu: Suliffissaaleqineq sulisinnaasut amerlassusaannut tamakkiisumut naleqqiullugu.

Sulisinnaasut: Innuttaasut najugaqavissut ukiuni inuussutissarsiorfiusinnaasuni ukiullit.

Ukiut inuussutissarsiorfiusinnaasut: 18-init 64-inut (2016-imi), 18-init 65-inut (2017-imiit 2020-mut) aamma 18-init 66-inut (2021-mi).

Sulisinnaasunut ilaanngitsut: Innuttaasut najugaqavissut ukiuni inuussutissarsiorfiusinnaasuni ukiullit, suliffilittut imaluunniit suliffissaaleqisutut nalunaarsorsimanngitsut.

## Suliffissaaleqineq

2021-mi agguaqatigiissillugu qaammammut 1.059-it suliffissaaleqisutut nalunaarsorsimapput. Takussutissiaq 1 malillugu sulisinnaasut tamakkerlutik 3,7 pct.-iannik annertussuseqarput. Qaammatikkaartumik suliffissaaleqineq 2020-mut naleqqiullugu inunnik 241-nik annikinneruvoq.

### Takussutissiaq 1. Suliffissaaleqineq aamma pct.-inngornera, najugaqarfik suaassuserlu malillugit

|                     | Suliffissaaleqineq |              |              |              | Pct.-inngorlugu |            |            |            |
|---------------------|--------------------|--------------|--------------|--------------|-----------------|------------|------------|------------|
|                     | 2018               | 2019         | 2020         | 2021         | 2018            | 2019       | 2020       | 2021       |
| <b>Katillugit .</b> | <b>1.441</b>       | <b>1.243</b> | <b>1.300</b> | <b>1.059</b> | <b>5,0</b>      | <b>4,3</b> | <b>4,5</b> | <b>3,7</b> |
| Illoqarfiit . .     | 1.182              | 1.021        | 1.065        | 867          | 4,8             | 4,1        | 4,3        | 3,4        |
| Nunaqarfiit il.il.  | 259                | 222          | 236          | 193          | 6,9             | 6,1        | 6,5        | 5,3        |
| Angutit . . . .     | 806                | 707          | 744          | 595          | 5,2             | 4,6        | 4,9        | 3,9        |
| Arnat . . . . .     | 635                | 536          | 557          | 464          | 4,8             | 4,0        | 4,2        | 3,4        |

Najoqqutaq: Kisitsisaataasivik: <https://bank.stat.gl/ARNLED3>


Malugiuk: 18-init soraarnerussutisiaqalersinnaanermut ukiussarititanut ukiullit. Soraarnerussutisiaqalersinnaanermut ukiussarititat 65-it (2016-imi), 66-it (2017-imiit 2020-mut) aamma 67-it (2021-mi).

Suliffissaaleqineq illoqarfinni annertooq atuuppoq. 2021-mi agguaqatigiissillugu 867-it illoqarfinni suliffissaaleqisimapput, 193-illu nunaqarfinni. 2020-mut naleqqiullugit illoqarfinni suliffissaaleqisut 198-inik ikinnerupput, nunaqarfinnilu 43-nik.

Suliffissaaleqineq illoqarfinni annertunerugaluartoq, sulisinnaasut akornanni suliffissaaleqinerup pct.-inngornera nunaqarfinni annertuneruvoq. 2021-mi nunaqarfinni sulisinnaasut akornanni agguaqatigiissillugu 5,3 pct.-ii qaammatit tamaasa suliffissaaleqinermik eqqugaasarsimapput, illoqarfinni sulisinnaasut akornanni 3,4 pct.-ii suliffissaaleqisutut nalunaarsorsimasut.

Qaammatip ingerlanerani angutit arnanit amerlanerusut suliffissaaleqinermik eqqugaasarsimapput. 2021-mi agguaqatigiissillugu angutit 595-it arnanit 464-init amerlanerullutik qaammatit tamaasa suliffissaaleqisutut nalunaartarsimapput. Taamaasilluni 2021-mi sulisinnaasut akornanni angutit agguaqatigiissillugu 3,9 pct.-ii arnallu 3,4 pct.-ii qaammatit tamaasa suliffissaaleqisimallutik.

### Titartagaq 1. Suliffissaaleqineq pct.-inngorlugu




Najoqqutaq: Kisitsisaataasivik: <https://bank.stat.gl/ARNLED8>

Malugiuk: 18-init soraarnerussutisiaqalersinnaanermut ukiussarititanut ukiullit. Soraarnerussutisiaqalersinnaanermut ukiussarititat 65-it (2016-imi), 66-it (2017-imiit 2020-mut) aamma 67-it (2021-mi).

Titartagaq 1 malillugu suliffissaaleqineq ukiup ingerlanerani piffissat nikerarnerannit annertuumik sunnerneqartarpoq. Januaarimi annertunerpaasarpoq septembarimilu aamma oktobarimi annikinnerpaasarluni. Ukiunili kingullerni piffissat nikerarnerisa sunniisarnerat siornatigornit annikinnerulersimavoq.

### Titartagaq 2. Suliffissaaleqineq pct.-inngorlugu, suaassuseq malillugu




Najoqqutaq: Kisitsisaataasivik: <https://bank.stat.gl/ARNLED8>

Malugiuk: 18-init soraarnerussutisiaqalersinnaanermut ukiussarititanut ukiullit. Soraarnerussutisiaqalersinnaanermut ukiussarititat 65-it (2016-imi), 66-it (2017-imiit 2020-mut) aamma 67-it (2021-mi).

Ukiuumut piffiit nikittarneri malillugit suliffissaaleqinermit titartagaq 2 malillugu angutit arnanit amerlanerupput. Angutit arnaniit piffiit nikittarneri malillugit inuussutissarsiorluni suliaqarfinni sulinerusarnerannik tamanna nassuiarneqarsinnaavoq, pingaartumik aalisarnerup iluani, arnalli suliffillit 66 pct.-it missaanniittut annertunerpaartaat pisortat suliffeqarfiutaanni sulisuunerannik, tassanilu ukiup ingerlanerani suliffeqarnerup annertussusaata aalaakkaanerusumik ingerlasarneranik nassuiarneqarsinnaalluni.

### Titartagaq 3. 2021-mi suliffissaaleqineq pct.-inngorlugu, najugaqarfiit malillugit



Najoqqutaq: Kisitsisaataasivik: <https://bank.stat.gl/ARNLED3>

Titartagaq 3-mi takussutissiaq 2-milu takuneqarsinnaasutut najugaqarfiit akornanni suliffissaaleqinerup pct.-inngorneri annertuumik assigiinngiaarput. 2021-mi najugaqarfimmi Uummannami Qasigiannuguanilu suliffissaaleqinerup pct.-inngornera 1,4 pct.-imiilluni annikinnerpaavoq. Paarlattuanik najugaqarfik Tasiilaq inissisimavoq, 2021-mi sulisinnaasut akornanni suliffissaaleqineq 14,9 pct.-inik annertussuseqarpoq. Najugaqarfik Sisimiut 4,1 pct.-imi inissisimavoq, agguaqatigiissillugulu nunalu tamakkerlugu suliffissaaleqinerup annertussusaanut qaninnerpaalluni. Najugaqarfik Nuummi suliffissaaleqineq 2,4 pct.-imiippoq.

### Takussutissiaq 2. Suliffissaaleqineq aamma pct.-inngornera, najugaqarfiit malillugit


|                        | Suliffissaaleqineq  |              |              |              |              | Pct.-inngorlugu |            |            |            |            |
|------------------------|---------------------|--------------|--------------|--------------|--------------|-----------------|------------|------------|------------|------------|
|                        | 2017                | 2018         | 2019         | 2020         | 2021         | 2017            | 2018       | 2019       | 2020       | 2021       |
|                        | Inuit amerlassusaat |              |              |              |              | Pct.            |            |            |            |            |
| <b>Nuna</b>            |                     |              |              |              |              |                 |            |            |            |            |
| <b>tamakkerlugu...</b> | <b>1.681</b>        | <b>1.441</b> | <b>1.243</b> | <b>1.300</b> | <b>1.059</b> | <b>5,9</b>      | <b>5,0</b> | <b>4,3</b> | <b>4,5</b> | <b>3,7</b> |
| Nanortalik .....       | 107                 | 106          | 85           | 89           | 68           | 13,1            | 13,6       | 11,2       | 11,7       | 9,4        |
| Qaqortoq .....         | 130                 | 119          | 103          | 105          | 88           | 8,2             | 7,6        | 6,5        | 6,7        | 5,7        |
| Narsaq .....           | 80                  | 76           | 68           | 61           | 57           | 10,0            | 9,5        | 8,7        | 7,7        | 7,2        |
| Paamiut .....          | 83                  | 63           | 48           | 41           | 37           | 11,7            | 9,1        | 7,2        | 6,5        | 6,1        |
| Nuuk .....             | 404                 | 303          | 255          | 288          | 252          | 4,1             | 3,1        | 2,6        | 2,8        | 2,4        |
| Maniitsoq .....        | 85                  | 97           | 94           | 84           | 50           | 5,2             | 5,8        | 5,6        | 5,2        | 3,2        |
| Sisimiut .....         | 112                 | 106          | 134          | 151          | 130          | 3,5             | 3,4        | 4,2        | 4,7        | 4,1        |
| Kangaatsiaq .....      | 52                  | 66           | 54           | 49           | 32           | 8,6             | 11,0       | 9,5        | 8,6        | 5,9        |
| Aasiaat .....          | 83                  | 78           | 53           | 48           | 41           | 5,7             | 5,1        | 3,6        | 3,2        | 2,7        |
| Qasigiannuguit ....    | 26                  | 20           | 16           | 12           | 8            | 4,4             | 3,2        | 2,6        | 2,0        | 1,4        |
| Ilulissat .....        | 75                  | 60           | 47           | 59           | 49           | 3,0             | 2,5        | 1,8        | 2,3        | 1,9        |
| Qeqertarsuaq .....     | 24                  | 14           | 12           | 15           | 13           | 5,4             | 3,3        | 2,8        | 3,6        | 3,1        |
| Uummannaq .....        | 33                  | 26           | 13           | 15           | 17           | 2,7             | 2,2        | 1,1        | 1,2        | 1,4        |
| Upernavik .....        | 56                  | 32           | 18           | 26           | 23           | 4,2             | 2,4        | 1,3        | 1,9        | 1,7        |
| Qaanaaq .....          | 28                  | 19           | 14           | 15           | 10           | 7,8             | 5,5        | 3,9        | 4,1        | 3,0        |
| Tasiilaq .....         | 290                 | 241          | 225          | 237          | 181          | 21,7            | 18,1       | 17,5       | 19,3       | 14,9       |
| Ittoqqortoormiit ..    | 16                  | 13           | 5            | 7            | 3            | 9,1             | 7,9        | 3,6        | 4,2        | 2,1        |

Najoqqutaq: Kisitsisaataasivik: <https://bank.stat.gl/ARNLED3>

Malugiuk: 18-init soraarnerussutisiaqalersinnaanermut ukiussarititanut ukiullit. Soraarnerussutisiaqalersinnaanermut ukiussarititat 65-it (2016-imi), 66-it (2017-imiit 2020-mut) aamma 67-it (2021-mi).

Titartagaq 4 malillugu ukiut immikkoortiternerini tamani suliffissaaleqinerup annertussusaa nunaqarfinni annertunerpaavoq illoqarfinnilu annikinnerpaalluni. Ukiut immikkoortiternerini inuusunnerusut akornanni assigiinngissut annertuneruvoq. Nunaqarfinni inuusuttut 25-t inorlugit ukiullit suliffissaaleqinermik annertuumik eqqugaqqammata.


#### Titartagaq 4. 2021-mi suliffissaaleqineq pct.-inngorlugu, ukiut najugaqarfillu malillugit



Najoqqutaq: Kisitsisaataasivik: <https://bank.stat.gl/ARNLED3>

Taamatuttaaq suaassutsit akornanni ukiut malillugit suliffissaaleqineq assigiinngiaarpoq. Arnat 20-nit 24-nut aamma 30-nit 34-nut ukiullit akornanni inorlugit procentinngorlugit suliffissaaleqinerat angutinit annertuneruvoq, ukiulli immikkoortiternerini arlalinni utoqqaanerusuni tamanna killormoorpoq.

#### Titartagaq 5. 2021-mi suliffissaaleqineq pct.-inngorlugu, ukiut suaassuserlu malillugit



Najoqqutaq: Kisitsisaataasivik: <https://bank.stat.gl/ARNLED3>

Takussutissiaq 3 malillugu suliffissaaleqinermik eqqugaasartut annerpaartaat, imaluunniit missiliorlugu suliffissaaleqisut 84 pct.-ii, meeqqat atuarfiannit qaffasinnerusumik ilinniagaqarsimannigillat. Taamaattoq taakkuupput piffissami 2017-imiit 2021-mut ilinniakkat immikkoortiterneri malillugit suliffissaaleqinermi annertunerpaamik appariaateqarsimasut. 2021-mi meeqqat atuarfiannik qaffasinnerpaatut ilinniakkamik naammassinnissimasut suliffissaaleqinerat 6,2 pct.-imiippoq.

Inuussutissarsiornermi *Nunalerinermi*, *orpippassualerinermi*, *aalisarnermi uumasunullu tunngasuni* ilinniagaqarsimasut suliffissaaleqinerat nuna tamakkerlugu suliffissaaleqinermi 5,2 pct.-iusumit qaffasinneruvoq. Ilinniakkanili allani ilinniarsimasut 3,7 pct.-inik annertussuseqarlutik agguaqatigiissillugu nuna tamakkerlugu suliffissaaleqinermik appasinnerusumik inissisimapput. Pingaartumik *Ingerlariaqqiffiusumik ilinniagallit* akornanni suliffissaaleqineq appasippoq, 2021-milu sulisinnaasut akornanni pineqartut suliffissaaleqinerat 0,3 pct.-imiippoq.

### Takussutissiaq 3. Suliffissaaleqineq aamma pct.-inngornera, ilinniagaq qaffasinnerpaatut naammassimasaaq malillugu

|                                                                               | Suliffissaaleqineq  |          |          |          |          | Pct.-inngorlugu |            |            |            |            |
|-------------------------------------------------------------------------------|---------------------|----------|----------|----------|----------|-----------------|------------|------------|------------|------------|
|                                                                               | 2017                | 2018     | 2019     | 2020     | 2021     | 2017            | 2018       | 2019       | 2020       | 2021       |
|                                                                               | Inuit amerlassusaat |          |          |          |          | Pct.            |            |            |            |            |
|                                                                               | 1.44                | 1.24     | 1.30     | 1.05     |          |                 |            |            |            |            |
| <b>Katillugit</b> .....                                                       | <b>1.681</b>        | <b>1</b> | <b>3</b> | <b>0</b> | <b>9</b> | <b>5,9</b>      | <b>5,0</b> | <b>4,3</b> | <b>4,5</b> | <b>3,7</b> |
| Meeqqat atuarfiat .....                                                       | 1.427               | 1.214    | 1.043    | 1.077    | 885      | 9,4             | 8,1        | 7,1        | 7,5        | 6,2        |
| Ilinniarnertuunngorniarneq .....                                              | 28                  | 27       | 21       | 21       | 14       | 2,0             | 1,9        | 1,4        | 1,4        | 0,9        |
| Inuussutissarsiornermik ilinniarneq: Katillugit .....                         | 186                 | 162      | 141      | 159      | 128      | 2,8             | 2,4        | 2,1        | 2,3        | 1,8        |
| - Inuuss. ilinniarneq: Eqqumiitsuliorneq aamma humaniora                      | 9                   | 8        | 5        | 6        | 5        | 4,6             | 4,2        | 2,6        | 3,4        | 2,8        |
| - Inuuss. ilinniarneq: Inuussutissarsiorneq, allaffissorneq inatsisilerinerlu | 13                  | 10       | 9        | 14       | 12       | 1,5             | 1,1        | 0,9        | 1,5        | 1,3        |
| - Inuuss. ilinniarneq: Ingeniørinngorniarneq, tunisassiorneq sanaartornerlu   | 58                  | 49       | 43       | 45       | 40       | 2,5             | 2,1        | 1,8        | 1,9        | 1,6        |
| - Inuuss. ilinniarneq: Nunalerineq, orpippassualerineq, aalisarneq uumasullu  | 20                  | 15       | 17       | 18       | 15       | 7,0             | 5,3        | 6,1        | 6,5        | 5,2        |
| - Inuuss. ilinniarneq: Peqqinneq atungarissaarnerlu ...                       | 35                  | 31       | 26       | 29       | 24       | 2,1             | 1,9        | 1,6        | 1,7        | 1,4        |
| - Inuuss. ilinniarneq: Kiffartuussinermi suliaqarfik .....                    | 50                  | 49       | 41       | 45       | 31       | 3,8             | 3,6        | 3,0        | 3,2        | 2,1        |
| - Inuuss. ilinniarneq: Allat .....                                            | 1                   | 1        | 1        | 2        | 1        | 1,0             | 0,9        | 1,2        | 1,5        | 0,7        |
| Angusanik qaffassaaneq .....                                                  | 22                  | 21       | 20       | 23       | 17       | 1,9             | 1,8        | 1,7        | 1,9        | 1,3        |
| Ingerlariaqqiffiusumik ilinniarneq .....                                      | 19                  | 16       | 17       | 20       | 16       | 0,5             | 0,4        | 0,4        | 0,4        | 0,3        |

Najoqqutaq: Kisitsisaataasivik: <https://bank.stat.gl/ARNLED6>

Malugiuk: 18-init soraarnerussutisiaqalersinnaanermut ukiussarititanut ukiullit. Soraarnerussutisiaqalersinnaanermut ukiussarititat 65-it (2016-imi), 66-it (2017-imiit 2020-mut) aamma 67-it (2021-mi).

Takussutissiaq 3-mi takuneqarsinnaasututtaa ilinniagaqarfiit assigiinngitsut akornanni inuussutissarsiornermi ilinniakkamik qaffasinnerpaatut naammassinnissimasuni suliffissaaleqineq assigiinngiiaarpoq. Inuussutissarsiornermik ilinniarsimasut akornanni *Nunalerinermik*, *orpippassualerinermik*, *aalisarnermik uumasunullu tunngasunik* ilinniakkanik naammassinnissimasut (assersuutigalugu aalisartunut ikiortit aamma qalulerisut) 2021-mi suliffissaaleqinerat 5,2 pct.-imik annertussuseqarpoq, *Kiffartuussinermilli* suliaqarfimmi (assersuutigalugu terminalini sulisut igasullu) suliffissaaleqinerat 2,1 pct.-imiilluni. 2020-mut sanilliussinermi *Nunalerinermi*, *orpippassualerinermi*, *aalisarnermik uumasunullu tunngasuni* suliffissaaleqineq 1,2 procentpointinik apparsimavoq

Inuussutissarsiornermi ilinniagaqarsimasut akornanni suliaqarfinni *Allani* (assersuutigalugu IT-mi ingerlatsineri ilinniarsimasuni) suliffissaaleqineq 0,7 pct.-iinnarmiilluni annikinnerpaavoq. Taamatullu suliaqarfinni *Inuussutissarsiornermi, allaffissiornermi inatsisilerinermilu* ilinniagaqarsimasut (HK-assistentit aamma niuertarfinni sulisussatut ilinniarsimasut) kiisalu *Ingeniørinngorniarnermik, tunisassiornermik sanaartornermilu* ilinniagaqarsimasut suliffissaaleqinerat annikippoq, tassani sulisinnaasut 1,3 pct.-ii aamma 1,6 pct.-ii ilinniagaqarfinni taakkartukkani 2021-mi agguaqatigiissillugu qaammammut suliffissaaleqisimammata.

Kisitsisit ataatsimut katinnerini *Kiffartuussineri* inuussutissarsiornermi ilinniakkamik qaffasinnerpaatut naammassinnissimasut suliffissaaleqinerat annertunerpaavoq, 2021-mi qaammammut agguaqatigiissillugu 40-t suliffissaaleqisimammata. Tassani suliffissaaleqisut inuussutissarsiornermillu qaffasinnerpaatut ilinniakkamik naammassinnissimasut tamakkerlugit pingajorarterutaattut annertussuseqarput.

Takussutissiaq 4-imi takuneqarsinnaasutut 2021-p ingerlanerani 3.571-it minnerpaamik qaammammi ataatsimi suliffissaaleqinermik eqqugaasimapput. Tamanna takussutissiaq 3-mi takutinneqareersutut agguaqatigiissillugu qaammammut suliffissaaleqisimasunit 1.059-init pingasoriaat sinnerlugu qaffasinneruvoq. Takuneqarsinnaavortaaq 2021-mi suliffissaaleqisimasut tamakkerlutik 66,5 pct.-ii annerpaamik qaammatini pingasuni suliffissaaleqisimasut, 9,8 pct.-iilu qaammatini quliniit aqqaneq-marlunni suliffissaaleqisutut nalunaarsorneqarsimallutik.

#### Takussutissiaq 4. 2021-mi suliffissaaleqineq, suaassuseq, najugaqarfik qaammatillu suliffissaaleqiffiit malillugit

| Qaammatit suliffissaaleqiffiit |                         |               |               |               |                 |
|--------------------------------|-------------------------|---------------|---------------|---------------|-----------------|
|                                | Minnerpaamik<br>qaammat | Qaammatit 1-3 | Qaammatit 4-6 | Qaammatit 7-9 | Qaammatit 10-12 |
| Najugaqarfiit tamakkerlugit    |                         |               |               |               |                 |
| <b>Katillugit</b>              | <b>3.571</b>            | <b>2.376</b>  | <b>568</b>    | <b>278</b>    | <b>349</b>      |
| Angutit . . . . .              | 1.982                   | 1.298         | 325           | 171           | 188             |
| Arnat . . . . .                | 1.589                   | 1.078         | 243           | 107           | 161             |
| Illoqarfiit                    |                         |               |               |               |                 |
| <b>Katillugit</b>              | <b>2.884</b>            | <b>1.894</b>  | <b>471</b>    | <b>228</b>    | <b>291</b>      |
| Angutit . . . . .              | 1.629                   | 1.054         | 270           | 141           | 164             |
| Arnat . . . . .                | 1.255                   | 840           | 201           | 87            | 127             |
| Nunaqarfiit il.il.             |                         |               |               |               |                 |
| <b>Katillugit</b>              | <b>687</b>              | <b>482</b>    | <b>97</b>     | <b>50</b>     | <b>58</b>       |
| Angutit . . . . .              | 353                     | 244           | 55            | 30            | 24              |
| Arnat . . . . .                | 334                     | 238           | 42            | 20            | 34              |

Najoqqutaq: Kisitsisaataasivik: <https://bank.stat.gl/ARNLED5>

## Sulisinnaasut

Sulisinnaasut tassaapput innuttaasut najugaqavissut inuussutissarsiorfiusinnaasunillu 18-init soraarnerussutisiaqalernissamut ukiussaritat tikillugit ukiullit (2021-mi 66-it), suliffillit imaluunniit suliffissaaleqisutut nalunaarsorsimasut. 2021-mi qaammammut agguaqatigiissillugu sulisinnaasut 28.934-nik amerlassuseqarput, taakkunannga 27.874-it suliffeqarput 1.059-illu suliffissaaleqisutut nalunaarsorsimallutik. Innuttaasut najugaqavissut inuussutissarsiorfiusinnaasunillu ukiullit tamakkerlutik 37.153-iupput, takussutissiarli 5 malillugu najugaqavissut 18-init 66-inut ukiullit akornanni sisamararterutaat 8.220-nik amerlassusillit sulisinnaasunut ilaannngillat.

### Takussutissiaq 5. 2021-mi sulisinnaasut, najugaqarfiit malillugit


|                                     | Sulisinnaasut       |               |                    | Sulisinnaasunut<br>ilaanngitsut | Innuttaasut<br>najugaqavissut |
|-------------------------------------|---------------------|---------------|--------------------|---------------------------------|-------------------------------|
|                                     | Katillugit          | Suliffillit   | Suliffissaaleqisut |                                 |                               |
|                                     | Inuit amerlassusaat |               |                    |                                 |                               |
| <b>Nuna</b>                         |                     |               |                    |                                 |                               |
| <b>tamakkerlugu<sup>1</sup> ...</b> | <b>28.933</b>       | <b>27.874</b> | <b>1.059</b>       | <b>8.220</b>                    | <b>37.153</b>                 |
| Nanortalik .....                    | 718                 | 650           | 68                 | 291                             | 1.008                         |
| Qaqortoq .....                      | 1.560               | 1.472         | 88                 | 444                             | 2.004                         |
| Narsaq .....                        | 793                 | 735           | 57                 | 227                             | 1.020                         |
| Paamiut .....                       | 606                 | 569           | 37                 | 211                             | 816                           |
| Nuuk .....                          | 10.507              | 10.256        | 252                | 2.740                           | 13.247                        |
| Maniitsoq .....                     | 1.573               | 1.523         | 50                 | 446                             | 2.019                         |
| Sisimiut .....                      | 3.204               | 3.074         | 130                | 750                             | 3.954                         |
| Kangaatsiaq .....                   | 548                 | 516           | 32                 | 188                             | 736                           |
| Aasiaat .....                       | 1.502               | 1.461         | 41                 | 504                             | 2.006                         |
| Qasigiannugit .....                 | 579                 | 571           | 8                  | 136                             | 714                           |
| Ilulissat .....                     | 2.599               | 2.550         | 49                 | 752                             | 3.351                         |
| Qeqertarsuaq .....                  | 431                 | 417           | 13                 | 114                             | 545                           |
| Uummannaq .....                     | 1.168               | 1.151         | 17                 | 329                             | 1.497                         |
| Upernavik .....                     | 1.393               | 1.370         | 23                 | 422                             | 1.815                         |
| Qaanaaq .....                       | 333                 | 323           | 10                 | 133                             | 466                           |
| Tasiilaq .....                      | 1.214               | 1.033         | 181                | 453                             | 1.667                         |
| Ittoqqortoormiit .....              | 160                 | 157           | 3                  | 68                              | 228                           |

Najoqqutaq: Kisitsisaataasivik: <https://bank.stat.gl/ARNSTK1>

Nalunaarut: 1) Nuna tamakkerlugu kisitsisini kommunit avataanni inissisimasut ilanngunneqarput.

Titartagaq 6-imi takutinneqarpoq piffissami 2019-imiit 2021-mut sulisinnaasunut nalunaarsuutit marluk; *suliffillit* aamma *suliffissaaleqisut* qanoq ingerlasimaneri. Takuneqarsinnaasutut sulisinnaasut suliffilinnit suliffissaaleqisuniillu ukiup ingerlanerani aalaakkaanerusumik inissisimapput. Taamaattoq sulisinnaasut – suliffillit assigalugit – aasaanerani amerlanerpaasarput. Paatsoortoqarnissaa pinaveersaartinniarlugu eqqumaffigineqassaaq titartakkami uuttuutitut titarneq qummoortoq 24.000-init aallartimmat, kiisalu titartakkami suliffillit suliffeqanngitsullu qalipaasorsorneri pineqartut qanoq ataqatigiinnerinut takussutissiaannnginnerat.

## Titartagaq 6. Sulisinnaasut




Najoqqutaq: Kisitsisaataasivik: <https://bank.stat.gl/ARNSTK3>

Malugiuk: 18-init soraarnerussutisiaqalersinnaanermut ukiussarititanut ukiullit. Soraarnerussutisiaqalersinnaanermut ukiussarititat 65-it (2016-imi), 66-it (2017-imiit 2020-mut) aamma 67-it (2021-mi).

Titartagaq 7 malillugu sulisinnaasut ukiunut immikkoortiternerini takuneqarsinnaavoq 30-t 54-illu akornanni ukiulinni sulisinnaasut amerlassusaat annertunerungaatsiartut. Ukiunilu pineqartuni ukiullit akornanni sulisinnaanngitsutut inissisimasut ikinnerpaallutik. Ataatsimut isigalugu ukiut immikkoortiternerini pineqartuni innuttaasut najugaqavissut 80 pct.-iisa missaanniittut 2021-mi sulisinnaasutut inissisimapput.


## Titartagaq 7. 2021-mi sulisinnaasut annertussusaat, ukiut malillugit



Najoqqutaq: Kisitsisaataasivik: <https://bank.stat.gl/ARNSTK1>

Titartagaq 8 malillugu najugaqarfiit akornanni sulisinnaasut annertussusaat innuttaasunut inuussutissarsiorfiusinnaasunik ukiulinnut naleqqiullugit assigiinngiaarput. Najugaqarfimmi Qasigiannguani innuttaasut 18-init 66-inut ukiullit 81,1 pct.-ii 2021-mi sulisinnaasutut inissisimapput, najugaqarfimmilu Ittoqqortoormiini innuttaasut 70,2 pct.-iinnai sulisinnaasunut ilaallutik. Nuna tamakkerlugu innuttaasut inuussutissarsiorfiusinnaasunik ukiullit 77,9 pct.-ii sulisinnaasutut inissisimapput.

## Titartagaq 8. 2021-mi sulisinnaasut annertussusaat, najugaqarfiit malillugit




Najoqutaq: Kisitsisaataasivik: <https://bank.stat.gl/ARNSTK1>

Sulisinnaasutut inissisimanermi ilinniakkap qaffasissusaa annertuumik sunniuteqartarpoq. Titartagaq 9 aamma takussutissiaq 6 malillugit ilinniagaq naammassisimasaq qaffasinnerujartortillugu sulisinnaasutut inissisimaneq annertuneruleriartortarpoq.

2021-mi innuttaasut inuussutissarsiorfiusinnaasunik ukiullit sulisinnaasutullu inissisimasut missiliorlugu 93 pct.-ii *Ingerlariaqqiffiusumik ilinniagaqarput* 86 pct.-iisalu missaanniittut *Inuussutissarsiornermi ilinniakkamik* naammassinnissimapput. Killormoortuanik innuttaasut inuussutissarsiorsinnaasutut inissisimasut qaffasinnerpaamillu *Meeqqat atuarfiannik* naammassinnissimasut 66 pct.-ii sulisinnaasutut inissisimapput. Innuttaasut inuussutissarsiorfiusinnaasunik ukiullit akornanni qaffasinnerpaatut *Ilinniarnertuunngorniarnermik Angusani*llu qaffassaanermik naammassinnissimasut 72 pct.-ii kiisalu 85 pct.-ii sulisinnaasutut inissisimapput.

## Titartagaq 9. 2021-mi sulisinnaasut annertussusaat, ilinniagaq qaffasinnerpaatut naammassisimasaq malillugu



Najoqqutaq: Kisitsisaataasivik: <https://bank.stat.gl/ARNSTK2>

## Takussutissiaq 6. 2021-mi sulisinnaasut annertussusaat, ilinniagaq qaffasinnerpaatut naammassisimasaq malillugu

|                                                                               | Sulisinnaasut |             |                         | Sulisinnaasunut<br>ilaanngitsut | Innuttaasut<br>najugaqavissut |
|-------------------------------------------------------------------------------|---------------|-------------|-------------------------|---------------------------------|-------------------------------|
|                                                                               | Katillugit    | Suliffillit | Suliffis-<br>saaleqisut |                                 |                               |
| Inuit amerlassusaat                                                           |               |             |                         |                                 |                               |
| Katillugit                                                                    | 28.934        | 27.874      | 1.059                   | 8.219                           | 37.153                        |
| Meeqqat atuarfiat                                                             | 14.252        | 13.367      | 885                     | 6.130                           | 20.381                        |
| Ilinniarnertuunngorniarneq                                                    | 1.574         | 1.560       | 14                      | 593                             | 2.167                         |
| Inuussutissarsiornermik ilinniarneq: Katillugit                               | 7.169         | 7.041       | 128                     | 976                             | 8.145                         |
| - Inuuss. ilinniarneq: Eqqumiitsuliorneq aamma humaniora                      | 193           | 187         | 5                       | 41                              | 234                           |
| - Inuuss. ilinniarneq: Inuussutissarsiorneq, allaffissorneq inatsisilerinerlu | 964           | 952         | 12                      | 76                              | 1.040                         |
| - Inuuss. ilinniarneq: Ingeniørinngorniarneq, tunisassiorneq sanaartornerlu   | 2.437         | 2.397       | 40                      | 285                             | 2.722                         |
| - Inuuss. ilinniarneq: Nunalerineq, orpippassualerineq, aalisarneq uumasullu  | 277           | 262         | 15                      | 68                              | 345                           |
| - Inuuss. ilinniarneq: Peqqinneq atungarissaarnerlu                           | 1.709         | 1.685       | 24                      | 255                             | 1.964                         |
| - Inuuss. ilinniarneq: Kiffartuussinermi suliaqarfik                          | 1.486         | 1.455       | 31                      | 241                             | 1.727                         |
| - Inuuss. ilinniarneq: Allat                                                  | 104           | 103         | 1                       | 9                               | 113                           |
| Angusaniq qaffassaaneq                                                        | 1.235         | 1.218       | 17                      | 194                             | 1.428                         |
| Ingerlariaqqiffiusumik ilinniarneq                                            | 4.704         | 4.689       | 16                      | 328                             | 5.032                         |


Najoqqutaq: Kisitsisaataasivik: <https://bank.stat.gl/ARNSTK2>

2021-mi najugaqavissut akornanni sulisinnaasutut inissisimasut 28.934-usut akornanni 7.169-it inuussutissarsiornermi ilinniagaqarsimapput. Taamaasilluni meeqqat atuarfiattut qaffasissusilimmik ilinniagaqarsimasunut tulluullutik inuussutissarsiornermi ilinniarsimasut amerlanerpaapput. Titartagaq 10-mi takuneqarsinnaapput sulisinnaasut akornanni inuussutissarsiornermi ilinniarsimasut ilinniarfigisimasaat malillugit.

*Nunalerinnermi, orpippassualerinnermi, aalisarnermi uumasunullu tunngasuni* inuussutissarsiornermi ilinniagaqarsimasut (assersuutigalugu aalisartunut ikiortut qalulerisullu) 20 pct.-ii 2021-mi sulisinnaasutut inissisimannngillat. Illuatungaani inuussutissarsiornermi *Allani* ilinniagaqarsimasut (assersuutigalugu IT-mi ingerlatsinnermi ilinniarsimasut) 8,0 pct.-ii

sulisinnaasutut inissisimanatik. Taamaattoq takussutissiaq 6 malillugu taaneqartut kingulliit ikippu, 2021-mi taamaallaat 104-inik amerlassuseqarlutik.

#### Titartagaq 10. 2021-mi inuussutissarsiornermi ilinniagaqarsimasut akornanni sulisinnaasut annertussusaat, ilinniagaq malillugu



Najoqqutaq: Kisitsisaataasivik: <https://bank.stat.gl/ARNSTK2>

#### Kisitsisitigut paasissutissat pillugit

Kalaallit Nunaanni Naatsorsueqqissaartarfimmit 2012-imi suliffissaaleqineq pillugu paasissutissat annertuumik nutarsarneqarput, FN-ip ataani The International Labour Organisation-ip (ILO) innersuussutai tunngavigalugit suliarineqarluni. Taamaaqataanillu suliffeqarnermi pissutsit pillugit paasissutissat assinganik Naatsorsueqqissaartarfik nutarterivoq. Paasissutissanik nutarterinerup kinguneraa suliffeqarnermi pissutsit pillugit paasissutissat nunat tamalaat akornanni periaatsit malillugit pitsaassuseqarlutik ataqatigiinnerulernerat. Suliffeqarneq aamma suliffissaaleqineq pillugit kisitsisit atorlugit sulisinnaasut kisitsisitigut paasissutissaat suliarineqarput, sulisinnaasullu pillugit kisitsisitigut paasissutissat ILO-mi innersuussutit tunngavigalugit aamma suliarineqarput.

Kisitsisitigut paasissutissat Naatsorsueqqissaartarfiup qaammatip kingulliup qaangiunnerani saqqummiuttagaanit suliffissarsiorutut nalunaarsukkanut tunngasunit allaanerupput. Suliffissarsiorutulli nalunaarsukkat suliffissaaleqisut qanoq ineriartorsinnaanerinit assersuutitut atorqeersinnaapput. Suliffissarsiorutut nalunaarsukkat suliffissaaleqisut pillugit kisitsisitigut paasissutissaat assigalugit nalilersorneqarsimanngillat, nunanilu tamalaani suleriaaseq malillugu suliarineqarsimanatik.

## Takussutissiaq 7. 2016-imiit 2021-mut suliffissarsiortutut nalunaarsukkat aamma suliffissaaleqisut

|                                                   | Agguaqatigiissillugu qaammammut amerlassusaat |       |       |       |       |       |
|---------------------------------------------------|-----------------------------------------------|-------|-------|-------|-------|-------|
|                                                   | 2016                                          | 2017  | 2018  | 2019  | 2020  | 2021  |
| Suliffissarsiortutut nalunaarsorsimasut . . . . . | 2.908                                         | 2.767 | 2.317 | 1.924 | 1.946 | 1.581 |
| - Najugaqavissuunngitsut . . . . .                | 70                                            | 64    | 41    | 36    | 31    | 27    |
| - Qaammammi pineqartumi suliffillit . . . . .     | 1.049                                         | 1.022 | 836   | 646   | 615   | 494   |
| Suliffissaaleqisut . . . . .                      | 1.790                                         | 1.681 | 1.440 | 1.242 | 1.300 | 1.059 |

Najoqqutaq: Naatsorsueqqissaartarfik aamma kisitsisaataasivik: <https://bank.stat.gl/ARNLED1>, <https://bank.stat.gl/ARNLED3>

Malugiuk: 18-init soraarnerussutisiaqalersinnaanermut ukiussarititanut ukiullit. Soraarnerussutisiaqalersinnaanermut ukiussarititat 65-it (2016-imi), 66-it (2017-imiit 2020-mut) aamma 67-it (2021-mi).

### 3.2 Najoqqutat

Suliffissaaleqineq pillugu kisitsisitigut paasissutissani – suliffissarsiortutut nalunaarsuutitut naatsorsuutit assigalugit – sumiiffinni innuttaasut kommunit suliffissarsiuussisarfinit suliffissarsiorlutik saaffiginninnermikku nalunaarsuutaat pingaarnertut najoqqutarineqarput. Suliffissarsiorluni saaffiginninnerit amerlanerpaartaat kommunit allaffissornermi nalunaarsuiffianni Winformatik-imi nalunaarsorneqartarput. Qaammatit tamaasa Winformatik-imit kommunit ataasiakkaat pillugit suliffissarsiorlutik saaffiginnissimasut paasissutissaannik Naatsorsueqqissaartarfik pisarpoq.

ILO-mi innersuussutitut ilaavoq, piffissami inuk sulisimasutut nalunaarutigineqarsimaguni suliffissaaleqisutut nalunaarutigineqassanngitsoq! Taamaattumik Naatsorsueqqissaartarfiup suliffeqarneq pillugu nalunaarsuisarfia atorlugu suliffissarsiortut qaammatip ingerlanerani sulisimasutut nalunaarsorneqarsimasut piiarneqartarput. Suliffeqarneq pillugu nalunaarsuisarfik atorlugu sulisinnaasut aamma naatsorsorneqartarput, tassaallutik suliffilittut nalunaarsorsimasut imaluunniit suliffissaaleqisutut nalunaarsorsimasut. Nammineerluni nalunaarusiat suliffeqarneq pillugu nalunaarsuisarfimmi ilaatigut atorneqartut, suliffissaaleqineq pillugu kisitsisitigut paasissutissani kingullermik tiguneqarsimaneri malillugit najoqqutarineqarput. Tamannalu suliffissaaleqisunut kisitsisit kingusissukku saqqummersinneqartarnerannut peqqutaanerpaavoq.

Sulisinnaasunut suliffissaaleqisunullu kisitsisit innuttaasunut najugaqavissunut inuussutissarsiorfiusinnaasunillu ukiulinnut killilerneqarput, Naatsorsueqqissaartarfiullu innuttaasunut nalunaarsuisarfia tassani tunngavigineqarpoq. Nalunaarsuiffimmi nunap sumiiffiini inunnut paasissutissat aamma atorneqarput - soorlu najugaqarfimmut suaassutsimullu tunngasut – suliffissaaleqisunut aamma sulisinnaasunut. Soraarnerussutisiaqalernissamut ukiussarititat 65-it (2016-imi), 66-it (2017-imiit 2020-mut) kiisalu 67-it (2021-mi) killiliinermi tunngavigineqarput.

Ilinniartitaanermut paasissutissat kisitsisini atorneqartut Naatsorsueqqissaartarfiup ilinniakkanut qaffasinnerpaamik naammassimasanut nalunaarsuiffianinganneerput (HFU), ukiup 2021-mi suliffissaaleqineq aamma sulisinnaasut – qupp. 13

naanerani naatsorsuusiari neqartartut. ISCED11-mi ilinniakkat qaffasissusaannut taaguutit malillugit ilinniagarineqartut immikkoortiterneqarput, tulleriiaarnerili allanngortinneqarlutik – imaluunniit ataatsimut eqikkarneqarlutik – ilinniakkat qaffasissusaannut tallimanut *Meeqqat atuarfiat* appasinnerpaanngorlugu *Ingerlariaqqiffiusumilli ilinniarneq* qaffasinnerpaanngorlugu. Taassuma saniatigut *Inuussutissarsiornermik ilinniakkat* ilinniarfinnut arfineq-marlunnut immikkoortiterneqarput. Ilinniagaqarsimanermut naatsorsuutit pillugit annerusumik paasissutissanut innuttaasut ilinniagaqarsimassusaat pillugu saqqummersitami periaatsimut nassuiaat innersuussutigineqarpoq.

### **3.3 Periaaseq**

ILO-mi naatsorsueqqissaarnermi allaffimmit periutsit nassuiaasiorneqarlutillu maleruagassiorneqarsimasut tunngaviginerullugit naatsorsuisoqarpoq. Nalunaarsuutit ator neqarsinnaasut apeqqutaallutik nunani tamalaani periutsit malinneqarput.

#### **ILO-mit suliffissaaleqineq pillugu nassuiaat**

ILO-mit suliffissaaleqineq pillugu nassuiaammi piumasaqaatit pingasuupput, ataatsikkut naammassineqarsimasussat. Nassuiaat malillugu piffissami naatsorsuiffiusumi inuk suliffissaaleqisutut naatsorsorneqarpoq:

- Suliffilittut nalunaarsorsimanngitsoq,
- Suliffissarsiortutut nalunaarsorsimalluni,
- Ingerlaannartumillu sulilernissamut piareersimalluni.

Piffissap suliffissarsiorfiusup sivilissusaa nassuiarneqanngilaq, kisianni innersuussutigineqarpoq piffissaq sivikitsuussasoq, assersuutigalugu ulloq ataaseq imaluunniit sapaatip akunnera ataaseq. Taamatuttaaq ILO-mit innersuussutigineqarpoq sulisinnaasut ukiui minnerpaaffilerneqassasut – suliffissaaleqiner mut attuumassuteqartumik - nunami naatsorsuiffiusumi pissutsit ator neqartut malillugit. Ukiulli qaffasinnerpaaffissaannik innersuussuteqartoqanngilaq.

#### **Naatsorsueqqissaartarfimmit suliffissaaleqineq pillugu nassuiaat**

Innuttaasut suliffissarsiuussisarfinnut suliffissarsiortutut nalunaarsimasut Kalaallit Nunaanni suliffissaaleqineq pillugu paasissutissani tunngavigineqarput. Qulaanili allanneqareersutut ILO-mit nassuiaat malillugu suliffissarsiorsimaneq suliffissaaleqisutut naatsorsuunneqarnissamut naammangilaq. Kisitsisit paasissutissat tunngavigalugit piffissap pineqartup sivikinnerpaaffissaa qaammat ataasiuvoq, tamannalu ILO-mi piffissarititami sivilunerungaatsiarpoq. Nalunaarsuutit ator neqarsinnaasut tunngavigalugit ILO-mit innersuussutigineqartoq malillugu sapinngisamik suliat naammassineqarnissaat piviusunngortinniarlugu, Naatsorsueqqissaartarfik qaammammi suliffissaaleqisutut naatsorsorneqassagaanni piumasaqaatinik toqqartuivoq. Suliffissarsiortorlu tassaavoq:

- Suliffissarsiuussisarfimmi suliffissarsiortutut nalunaarsorsimasoq aamma
- Qaammammi pineqartumi suliffeqarneq pillugu nalunaarsuisarfimmi suliffilittut nalunaarsorsimanngitsoq.

Nalunaarsuutit atorneqarnissaannut piareersarnermi kiisalu nunap sumiiffiini paasissutissat pissutsillu atukkat ilisimaaralugit isumannaarniarlugit, sulisinnaasunut suliffissaaleqisunullu kisitsisitigut paasissutissat innuttaasunut najugaqavissunut killilerneqarput. Innuttaasullu najugaqavissut taassaapput ukiup naatsorsuiffiusup aallartinnerani naanerani Kalaallit Nunaanni najugalittut nalunaarsorsimasut.

Taamatullu misissukkat innuttaasunut inuussutissarsiorfiusinnaasunik ukiulinnut killilerneqarput, 2016-imi 18-init 64-inut ukiulinnut, 2017-imiit 2020-mut 18-init 65-inut ukiulinnut kiisalu 2021-mi 18-init 66-inut ukiulinnut, ukiut qaffasinnerpaaffissaanni soraarnerussutisiaqalernissamut ukiussarititatuut sinneqartut malillugit killilerneqarlutik. Ukiut minnerpaaffissaat 18-inut killilerneqarpoq, 18-it inorlugit ukiullit qaqutigunnaq suliffissarsiuussisarfimmi nalunaarsorneqartarmata. Soraarnerussutisiaqalernissamullu ukiussarititatuut sinneqartut ukiulinnut aamma taanna atuuppoq. Tassungalu pissutaasinnaavoq ukiuni pineqartuni utoqqaassusillit isertitanut taarsiissutaasunik ikiorsiissutinik pisartagaqarsinnaatitaanngimmata, suliffissarsiortutut nalunaarsorsimanikkut aatsaat pisartagarineqarsinnaasunik. Taamatullu kisitsisinut nalunaarsuutit atorneqartuni suliffissaaleqisut 18-init soraarnerussutisiaqalernissamut ukiussarititatuut avataanni ukiullit nalunaarsuutaat tamakkiisuunngillat, naatsorsuutillu annertuumik nalorninaateqarnissaat pissutigalugu ilanngunneqaratik.

### **Sulisinnaasut pillugit nassuiaat**

ILO-mi nassuiaat malillugu sulisinnaasut tassaapput innuttaasut suliffillit imaluunniit suliffissaaleqisut. Naatsorsueqqissaartarfiup nassuiaataa malillugu sulisinnaasut tassaallutik Kalaallit Nunaanni najugaqavissut qaammammi pineqartumi suliffilittut nalunaarsorsimasut imaluunniit suliffissarsiortutut nalunaarsorsimasut. Suliffissaaleqineq pillugu kisitsisitigut paasissutissat assigalugit sulisinnaasut 18-init soraarnerussutisiaqalernissamut ukiussarititatuut tikillugit ukiulinnut killilerneqarput.

### **Nunap sumiiffiini innuttaasut pillugit paasissutissat**

Suliffissaaleqisunut aamma sulisinnaasunut nalunaarsuiffiit suliffeqarnermi pissutsinut paasissutissat saniatigut aamma nunap sumiiffiini inunnut ataasiakkaanut paasissutissanik imaqarput. Assersuutigalugu ukiut, suiaassuseq najugarlu pillugit, Naatsorsueqqissaartarfiup innuttaasunut nalunaarsuiffiani ukiup naatsorsuiffiusup naanerani paasissutissanik. Suliffissaaleqinermi sulisinnaanermilu innuttaasup ukiup naatsorsuiffiusup naanerani inoqarfik najugaqarfia nalunaarsorsimavoq, taamaattoq innuttaasoq inoqarfimmi allami suliffissarsiortutut imaluunniit suliffeqarsimasutut nalunaarsorsimasinnaavoq.

### 3.4 Nalunaarsuutini kukkunerit

Suliffissaaleqineq pillugu kisitsisitigut paasissutissanut najoqqutat ilaatigut nalorninaateqarsinnaasut arlaqarput, ingammik ILO-mi nassuiaammit allaanerusunik nalunaarsuutillit imaluunniit nalunaarsuutitut atorineqartunut tunngassutillit. Najoqqutani kukkunertut inissisimasut pingaarnerpaat immikkoortumi matumani saqqummiunneqarput.

ILO-mit nassuiaat malillugu suliffissaaleqisunik peqarpoq, arlaannilli peqquteqartumik suliffissarsiuussisarfinni nalunaarsorsimanngitsunik. Tassaanerpaasarpullu innuttaasut isertitanut taarsiissutaasunik ikiorsiissutinik pisartagaqarsinnaanngitsut, suliffissarsiortutut nalunaarsorsimatinnanni pisartagarineqarsinnaanngitsunik.

Suliffissarsiortutut nalunaarsorsimasunittaaq peqarpoq, suliffissarsiunngikkaluanik, kingunerisaanilli suliffittaarsinnaasutut inissisimanngitsunik. Tassani ilaatigut piginnaanngorsarniarluni pikkorissarnerni peqataasut pineqarput.

Suliffissarsiortutut inissisimasut tamakkerlutik suliffeqalernissamut piareersimasutut nalilerneqartanngillat, taakkuuppullu immikkoortoq 3.3 malillugu ILO-mit suliffissaaleqinermut nassuiaammi piumasaqaataasut pingajuannik naammassinnissimanngitsut. Suliffissarsiortup sulilernissamut piareersimassusaa sumiiffimmi suliffissarsiuussisarfinni nalilersorneqartarpoq, nalilersuinerlu tunngavigalugu suliffissarsiortoq sulilernissamut piareersimassusermi immikkoortiterinerit pingasut malillugit inissinneqartarpoq. Sulilernissamullu qanoq piareersimatiginermik naatsorsuutini sumiiffinni ataasiakkaani suliffissarsiuussisarfinni qanoq immikkoortiterisarnert annertuumik assigiinngissuteqarsinnaammata, suliffissaaleqisut kisitsisitigut paasissutissaani sulilernissamut piareersimanermut nalunaarsuutit ilanngunneqanngillat.

Tassungalu atatillugu aamma miserratigineqarsinnaanngilaq suliffissarsiuussisarfinni ataasiakkaani suliffissarsiortunut nalunaarsuisarnert assigiinngissinnaanerat. Inoqarfiit ataasiakkaat akornanni suliffissaaleqisunut kisitsisit assigiinngiiaarnert nalunaarsueriaatsit assigiinnginnerannut aamma takussutissaasinnaavoq.

Suliffissarsiuussisarfinni ataasiakkaani nalunaarsueriaatsit piffissap ingerlanerani aamma allanngorsinnaapput. Tamanna kommunimi nalunaarsueriaatsimik allannguineramik imaluunniit sumiiffimmi suliffissarsiuussisarfinni sulisumik taarsiisoqarneranik peqquteqarsinnaavoq.

Suliffissarsiortunik nalunaarsuineq assaannarmik ingerlanneqartarpoq, nalunaarsuutit qarasaasiakkut suliarineqarsinnaalersinniarlugit. Assaannarmillu nalunaarsuineq kukkunernik pilersitsisinnaavoq, tamannali minnerusumik ilimanaateqarpoq.

Nalunaarsuiffinni atorineqartuni kukkunerit – suliffilinnut, innuttaasunut kiisalu ilinniartitaanermi kisitsisitigut paasissutissanut nalunaarsuiffinni –

suliffissaaleqisut sulisinnaasullu nalunaarsuiffiinnut ingerlaqqissinnaapput,  
soorlu suliffissaaleqisut nalunaarsuiffiannit kukkunerit sulisinnaasut  
nalunaarsuiffiannut ingerlasartut.

ILO-mit innersuussutigineqarpoq piffissaq naatsorsuiffiusoq  
tunngavigineqartoq sivikitsuussasoq – assersuutigalugu ulloq ataaseq  
imaluunniit sapaatip akunnera ataaseq. ILO-milu innersuussummut  
naleqqiullugu qaammat ataaseq sivisungaatsiarsinnaavoq.

---

Signatur forklaring:

... Oplysninger foreligger ikke  
.. Oplysninger for usikre til at angives eller diskretionshensyn  
. Tal kan efter sagens natur ikke forekomme  
0 Mindre end halvdelen af den anvendte enhed  
- Nul  
\* Foreløbigt eller anslået tal

Saaffiginniffissaq

Gorm N. Pedersen

E-mail: [gnpe@stat.gl](mailto:gnpe@stat.gl)

Suliffeqarnermi pissutsit

Grønlands Statistik  
Postboks 1025 · 3900 Nuuk  
Tlf.: +299 34 57 70 · Fax: +299 34 57 90  
[www.stat.gl](http://www.stat.gl) · e-mail: [stat@stat.gl](mailto:stat@stat.gl)

